

BON DIA

Editor
Caribbean Speed
Printers N.V.
Aruba Bank N.V.
Acc.No 033266.8

DIRECTOR
John Chemaly
John Chemaly Jr.

GERENTE GENERAL

Grace Mary Maduro

CORDINADOR

Benjamin Romero

REDACCION

Itio Lacle
Delma Arends
Margarita Els
Oscar Vidal
Maritza Faro
Melvin Garcia
Keven van Ommeren
E-mail: noticia@bondia.com

PROJECT EXECUTIVE

Elisabeth Guanipa
Genevieve Garcia

REDACTOR DEPORTIVO

Harold Faro
Richard Brooks
Andres Krozendijk
Email: deporte@bondia.com

COLABORADOR

Michael Arends
Dr. Carlos Viana
Ronzzio de Cuba
Seever Krozendijk

INTERNATIONAL

Mariano Heyden
Margarita Els
(Antiyas) (Bonaire)

FOTOGRAFO

Debby Kelly
Dino Tromp
Jason Inesia

REPORTERO

Ludwig Hermans

LAYOUT

Glady's Palomino
Dina Maria

SALES

Elly Erasmus
Marijke Croes Luidens
Wendy Keikboom

AVISO Y ARTE

Sandra Lofstrop
(Hefe Reservation)
Lando Rafael

ADMINISTRACION Y DISTRIBUCION

Eduard Martijn
(Hefe)
Jenny Lobbrecht
Martha Ariza
Natasha Ramos

COLLECTOR

Marieta Tromp

PRE PRESS

Luis Fernando Arenas
(Hefe)
Pablo Libre

PRESS

Ronald Schenker
(Hefe)
Omar Ramirez
Martin Boekhoudt

RECEPCIONISTA

Mariela Carrera

AGENDA DI NOTICIA

Associated Press
Editor's Press
United Media
Reuters

AFILIACION

Sociedad Interamerica
di Prensa (SIP)

DIRECCION

Weststraat 22
Tel: 582-7800 / Fax: 582-7044
Email: noticia@bondia.com
BON DIA ARUBA
Ta un corant redacta y imprimi na Aruba
y ta obtene di Dialuna te cu Diasabra
Ningun contenido por wordo reproduci
sin permiso di Editor.
www.bondia.com

Hues a intermedia y logra paz entre SAC y Anthony Gario

Anthony Gario por participa den Calypso and Roadmarch Contest

Na ocasion di tratamento di e caso partidonan a jega na un areglo referente lo siguiente:

"den aña 2008 y den pasado sercano den diferente medianan di comunicacion por escrito y programmanan radial, comentarionan a wordu publica/hasi cu ta crea impresion cu Wilfred Antoni G.M. Gario (Antoni Gario) ta culpa Stichting Arubaanse Carnaval (SAC) di corruption y/of manipulacion cu e apuntacion serca di jurado pa diferente evenementonan organisa pa SAC.

Gario ta tuma distancia y ta declara cu e no tabata kier a crea e impresion aki.

Tumando nota di e declaracion aki SAC ta dispuesto pa laga Gario participa na e eventonan organisa pa SAC na 2009.

Partidonan lo laga publica munio e declaracion aki den diferente medianan di prensa (Corant/Radio)

Partidonan lo retira e procedura "in conventie y in reconventie"

Antoni Gario

Stichting Arubaanse Carnaval,
Tecla Kelly.



ORANJESTAD – Despues di mas cu 2 ora di tratamento di e caso, Hues a logra trece paz entre SAC y Anthony Gario, caminda e partidonan a dicidi di hala nan caso contra otro aden y firma un declaracion conhunto.

GARIO CONTRA SAC Y SAC CONTRA GARIO

Manera Bon Dia Aruba a publica, ayera mainta Corte den Proma Instancia a trata e caso sumario cu Anthony Gario a cuminsa contra SAC. Den sala di Corte a bin resulta cu ademias di e caso di Anthony Gario contra SAC, SAC tambe a cuminsa un caso contra Anthony Gario.

E caso di Anthony Gario tabata pa Hues kita e sancion di SAC y ordena SAC pa e participa den e Calypso and Roadmarch Contest mientras cu SAC a cuminsa un caso pa Anthony Gario rectificá e ofensa cu el a expresa di cu SAC ta corrupto.

GARIO TA DESMENTI

Den Corte abogado mr. Baiz, mr. Gomez a representa Gario mientras cu SAC a wordo representa pa mr. Gravenstijn y mr. Ecury. Abogado mr. Baiz a enfatisa cu e publicacion den Diario cu Gario lo a declara cu tabatin manipulacion cu e votonan den Calypso and Roadmarch Contest y cu SAC ta corrupto, no ta cuadra cu e berdad. Segun e abogado, ningun momento Gario a wordo entrevista pa Diario y ningun momento so a bisa cu SAC ta corrupto.

E abogado a sigui bisa cu Gario tin e derecho di libertad di expresion y e ta haya cu Gario no a viola e condicionnan manera na e regla aki. E ta haya cu SAC ta un figura publico y cu SAC mester por contra critica. Segun mr. Baiz, e cancionnan Calypso ta cuestiona cosnan cu a pasa den comunidad mientras cu den e cantica "King of the road" ningun caminda Gario ta expresa ofensa



contra SAC.

SANCION INHUSTO

E abogado a sigui bisa cu e sancion di 3 aña cu SAC a impone riba Gario ta inhusto. E ta considera esaki un censura pa algo cu Gario no a haci. E ta haya cu SAC mester a bay Corte pa existi Gario rectificá.

TARDA MUCHO PA BIN CU CASO

Abogado di SAC, mr. Gravenstijn a bisa Hues cu e ta haya cu Gario a tarda mucho hopi pa bin cu e caso y no ta mira cu tin motibo di urgencia. El a muestra cu desde Augustus 2008, SAC tabatin reunion cu bandanan riba carnaval y for di e tempo ey, Gario no a cuestiona su sancion.

AWOR TA BISA CU NO A OFENDE SAC

E abogado ta haya strano cu despues di 1 aña, awor den Corte, Gario ta bisa cu e no a bisa cu SAC ta corrupto. Ta desde 5 di februari 2008, SAC a tuma e

sancion contra Gario door cu Gario a expresa cu SAC a manipula cu votonan. Mr. Gravenstijn a remarca cu tabata masha facil pa Gario, den reunion cu SAC pidi pa mira tur e votonan y lo a ripara cu ningun momento tabatin manipulacion.

Pa loke ta e libertad di expresion, e abogado a muestra cu esaki tin su limite y e expresion cu Gario a haci ta pone e credibilidad di SAC den mal bista. El a muestra tambe cu e cancion di Gario no ta un Calypso sino un Roadmarch y cu Gario a nenga di rectificá y pesey SAC a dicidi di tuma e sancion.

Mr. Gravenstijn a bisa cu SAC ta demanda pa Gario rectificá su expresion difamatorio.

LOGRA PAZ

Hues, despues di a scucha e abogadoan trece nan punto di bista padilanti, a propone pa entre e partidonan traha un declaracion mutuo y asina crea paz den e temporada di carnaval.

Hues a propone pa den e declaracion mutuo cu Gario ta distancia su mes di e insinuacionnan encuntu cu SAC ta corrupto y cu SAC ta acepta esaki y cu Gario ta participa den e Calypso and Roadmarch Contest.

E abogadoan a pidi Hues pa e mes traha un declaracion mutuo y nan lo analise. Despues cu Hues a traha e declaracion aki, di parti di Gario a firma esaki di biaha, mientras cu di parti di SAC, Tecla Kelly mester a yama mas miembronan di directiva na telefon pa asina haya e autoridad completo. Finalmente esaki a keda logra cu a conduci na un declaracion mutuo oficial. Hues a pidi e partidonan pa firma esaki, pa asina despues e traha un raport di esaki y cu e partidonan mester hala nan casonan aden. Despues di 1 aña, finalmente ta yega na un paz entre SAC y Gario.